

Tukutuku Ako mō Hangarau

Ngā Whakaaro Whānui	Ngā Akoranga Tāpua Taumata 6-8 o Te Marautanga o Aotearoa		
	Taumata 6	Taumata 7	Taumata 8
Nō te ao Māori te Hangarau	Mātāmua te noho mai o te mātauranga Māori, ngā kōrero tuku iho, ngā tukanga me ngā tikanga Māori hei tūāpapa mō te hangarau.		
	Ka mōhio te ākonga: - ki te wāhi ki te mātauranga Māori, ngā kōrero tuku iho, ngā tukanga me ngā tikanga Māori i te hangarau. - ki ngā hangarau taketake. - ki tana tū hei kaihangarau Māori.	Ka mōhio te ākonga: - ki te whakatinanatanga o ngā mātauranga Māori, ngā kōrero tuku iho, ngā tukanga me ngā tikanga Māori i te hangarau mō ōna uri, mō ōna hapori. - ki te wāhi ki ngā hangarau taketake i ngā hangarau tūroa. - ki āna mahi hei kaihangarau Māori.	Ka mōhio te ākonga: - ki te whakatinanatanga o ngā mātauranga Māori, ngā kōrero tuku iho, ngā tukanga me ngā tikanga Māori i te hangarau mō te ao. - ki te wāhi ki ngā hangarau taketake i ngā hangarau tūroa. - ki āna mahi me āna kawenga hei kaihangarau Māori.
Mā te Hangarau e ea ai te hiahia	Ko tā te hangarau he whakaea i ngā hiahia o āna kaiwhakamahi, tangata mai, koiora atu. Mā te kaihangarau e kapo ake aua hiahia me te whakaea mā te waihanga i tētahi hanga.		
	Ka mōhio te ākonga: - ki te wāhi ki te hangarau hei whakaea i ngā hiahia o tētahi tangata. - ki te whaitake o te tukanga hangarau. - ki tana tū hei kaihangarau ki te whakaea hiahia, ki te whakaputa hanga.	Ka mōhio te ākonga: - ki te wāhi ki te hangarau hei whakaea i ngā hiahia o tētahi rōpū, marae, hapū, hapori rānei, i tētahi koiora rānei i tōna ao. - ki te whaitake o te whai i tētahi tukanga hangarau. - ki āna mahi hei kaihangarau ki te whakaea hiahia, ki te whakaputa hanga.	Ka mōhio te ākonga: - ki te wāhi ki te hangarau hei whakaea i ngā hiahia o tētahi rōpū, marae, hapū, hapori, iwi rānei, i tētahi koiora rānei i tōna ao, i te ao whānui tonu hoki. - ki te whaitake o te whai i tētahi tukanga me te mauhanga i te tukanga ka whāia. - ki āna mahi me āna kawenga hei kaihangarau ki te whakaea hiahia, ki te whakaputa hanga.
Mātua te whanaungatanga i te Hangarau	He nui ngā whanaungatanga e tika ana kia whakaarohia, kia arohia, kia hāpaitia hoki e te kaihangarau i āna mahi. Me tika hoki te pāhekohekotanga o ēnei whanaungatanga katoa e whaihua ai te hanga.		
	Ka mōhio te ākonga: - ki ngā āhuatanga o te whanaungatanga ka ārahi i ngā mahi hangarau. - ki te whakarite i a ia anō me āna mahi hei kaihangarau kia tika te pāhekohekotanga o ngā whanaungatanga kia puta ai he hanga.	Ka mōhio te ākonga: - ki te wāhi ki ngā whanaungatanga hei ārahi i ngā mahi hangarau. - ki te whakarite i āna mahi hei kaihangarau kia tika te pāhekohekotanga o ngā whanaungatanga kia puta ai he hanga kounga.	Ka mōhio te ākonga: ki te whakamatua i te whanaungatanga i roto i āna mahi hei kaihangarau me te whakatinana kia tika ngā pāhekohekotanga i roto i te hanga kounga ka whakaputaina.
Me toitū te taiao i te Hangarau	Tūturu me whata ki runga te toitūtanga o te taiao i roto i ngā mahi hangarau katoa – ngā tukanga, ngā rawa, ngā mātāpono, ngā kōrero, ngā aha atu hoki.		
	Ka mōhio te ākonga: ki te wāhi nui ki te toitūtanga o te taiao i roto i	Ka mōhio te ākonga: ki te whakarite ki te aro ki te toitūtanga o te taiao i	Ka mōhio te ākonga: ki te whakatinana i ngā whakaaro ki te toitūtanga o te

	āna mahi hangarau. • ki ngā ara tautohu i ngā āhuatanga hangarau e toitū ai te taiao. • ki tana tū hei kaitiaki i te taiao.	roto i āna mahi hangarau. • ki ngā āhuatanga hangarau me ngā rawa hanga taputapu e toitū ai te taiao. • ki tana tū hei kaitiaki i tōna ao, i tōna taiao.	taiao i roto i āna mahi hangarau. • ki ngā hangarau me ngā rawa hanga taputapu e toitū ai te taiao. • ki tana tū hei kaitiaki i tōna ao, i tōna taiao, i te ao whānui tonu.
--	--	---	--